



**REPUBLIKA E SHQIPËRISË**  
**ENTI RREGULLATOR I SEKTORIT TË FURNIZIMIT ME UJË DHE**  
**LARGIMIT E PËRPUNIMIT TË UJËRAVE TË NDOTURA**

**VENDIM**

**Nr. 40, Datë 09.12 2015**

**PËR MIRATIMIN E DOKUMENTACIONIT MBËSHTETËS PËR MIRATIMIN E**  
**TARIFAVE PËR SHËRBIMIN E FURNIZIMIT ME UJË , LARGIMIN E**  
**PËRPUNIMIN E UJËRAVE TË NDOTURA**

Në zbatim të nenit 14, dhe nenit 22, pika 1, të ligjit numër 8102, datë 28.03.1996, “Për kuadrin rregullator të sektori të furnizimit me ujë dhe largimit e përpunimit të ujërave të ndotura”, i ndryshuar, dhe në plotësim të vendimit të KKRR Nr. 39 datë 09.12.2015 “Për miratimin e politikës tarifore për shërbimin e furnizimit me ujë, largimin e përpunimin e ujërave të ndotura”, Komisioni Kombëtar Rregullator

**VENDOSI:**

Të miratojë dokumentacionin mbështetës për miratimin e tarifave për shërbimin e furnizimit me ujë, largimin dhe përpunimin e ujërave të ndotura, i detyrueshëm për tu plotësuar nga të gjithë operatorët që ofrojnë këto shërbime, sipas tekstit bashkëlidhur këtij vendimi dhe pjesë e pandarë e tij.

Ky vendim hyn në fuqi menjëherë.

**KRYETARI**  
**Avni Dervishi**

## DOKUMENTACIONI I APLIKIMIT

1. ERRU bazuar në kërkesat ligjore si dhe për të pasur një vendimmarrje sa më të drejtë në lidhje me propozimin për nivelin e ri të tarifave për shërbimet që ofrojnë operatorët përcakton dhe miraton një listë dokumentesh mbështetës.
2. Propozimi për ndryshim tarife duhet të përfshijë dokumentacionin e mëposhtëm:
  - Bilanci dhe pasqyrat financiare të vitit të fundit të cilit i referohemi (në rast se nuk e kanë dorëzuar përpara aplikimit siç kërkohet nga ERRU) si dhe raporti i Ekspertit Kontabël;
  - Vendimi i Organit Drejtues për nivelin e ri të tarifave të kërkuar nga operatori;
  - Mendimi i pronarit (Njësia e Qeverisjes Vendore) për nivelin e ri të tarifave të kërkuar nga operatori;
  - Procesverbali i Seancave Dëgjimore me Publikun;
  - Raport i detajuar për gjendjen teknike dhe ekonomike të operatorit;
  - Justifikimi i nivelit të ri të tarifave dhe llogaritja e tyre bazuar në modelin e llogaritjes së tarifave miratuar nga ERRU;
  - Subvencionet<sup>1</sup>, të cilat operatori do t'i marrë për periudhën gjatë së cilës do të aplikohen tarifat e propozuara;
  - Vendimi i miratimit të Kodit të Ujit nga Organi Drejtues dhe operatori.
3. Mungesa e një prej dokumenteve të sipërpërmendura bën që propozimi për ndryshim tarife të mos shqyrtohet nga ERRU.
4. Raporti i detajuar për gjendjen teknike dhe ekonomike i sipërpërmendur duhet të përmbajë:
  - a) Për sistemet e furnizimit me ujë:
    - Një analizë të gjendjes aktuale të të gjithë elementëve përbërës të tij (burimet e ujit/vepra e marrjes, stacionet e pompimit, rezervuarët e ujit, njësitë e dezinfektimit/pastrimit të ujit, linjat e dërgimit dhe rrjetet shpërndarëse).
    - Informacion për problemet kryesore në lidhje me:
      - operimin dhe mirëmbajtjen e sistemit, humbjet e ujit, lidhjet e paligjshme, matjet
      - cilësinë e ujit të shërbyer

---

<sup>1</sup>Operatorët duhet të deklarojnë shumën e subvencioneve të marra në vitin e kaluar si dhe shumën e parashikuar për tu marrë gjatë vitit aktual nga buxheti i shtetit. ERRU do të marrë në konsideratë gjatë procesit të miratimit të tarifave subvencionin e marrë si dhe parashikimin e subvencionit për vitin e ardhshëm.

- investimet e kryera në tre vitet e fundit ose që nga periudha e aprovimit të fundit të tarifave duke dhënë edhe objektet kryesore ku janë bërë këto investime si dhe rezultatet që janë arritur në përmirësimin e shërbimit
- strukturën organizative dhe numrin e punonjësve për këtë shërbim të shoqëruar edhe me shpjegimet përkatëse
- zonën e shërbimit dhe popullsinë që banon në të, konsumatorëve që ju shërbehet bazuar në të dhënat e regjistrit të konsumatorit
- plotësimin e kërkesave të VKM Nr. 23, dt. 09.01.2008 “Për tarifatat e përdorimit të ujit”
- efikasitetin e energjisë.
- Analizën e të ardhurave dhe shpenzimeve të kryera për periudhën aktuale dhe parashikimin e tyre për periudhën për të cilën kërkohet ndryshimi i tarifave.

b) Për sistemet e kanalizimeve:

- Një analizë të gjendjes aktuale të të gjithë elementëve përbërës të tij (linjat e shkarkimit/grumbullimit të ujërave të ndotura, stacionet e pompimit, veprat e shkarkimit të ujërave të ndotura në trupat ujore pritëse, impiantet e trajtimit të ujërave të ndotura).
- Informacion për problemet kryesore në lidhje me :
  - operimin dhe mirëmbajtjen e sistemit
  - investimet e kryera në tre vitet e fundit ose që nga periudha e aprovimit të fundit të tarifave duke dhënë edhe objektet kryesore ku janë bërë këto investime si dhe rezultatet që janë arritur në përmirësimin e shërbimit.
  - strukturën organizative dhe numrin e punonjësve të këtij shërbimi të shoqëruar edhe me shpjegimet përkatëse
  - zonën e shërbimit dhe popullsinë që banon në të, konsumatorëve që ju shërbehet bazuar në të dhënat e regjistrit të konsumatorëve
- informacion i detajuar teknik në lidhje me impiantet e trajtimit të ujërave të ndotura (nëse kanë) duke përfshirë të dhëna për procesin kapacitetin, efikasitetin e energjisë.
- Analizën e të ardhurave dhe shpenzimeve të kryera për periudhën aktuale dhe parashikimin e tyre për periudhën për të cilën kërkohet ndryshimi i tarifave.

5. Për të analizuar dhe vlerësuar propozimin për ndryshimin e tarifave të paraqitur nga operatorët, ERRU mund të përdorë të dhëna zyrtare të grumbulluara nga institucione të tjera publike si Njësia e Monitorimit të Drejtorisë së Përgjithshme të Ujësjellës Kanalizimeve në varësi të Ministrisë së Punëve Publike dhe Transportit; INSTAT; Instituti i Shëndetit Publik; Laboratorët e Shëndetit Publik Rajonal; Ministria e

Shëndetësisë; Ministria e Mjedisit; Ministria e Financave etj. Këto të dhëna do të përdoren gjithashtu për të vlerësuar objektivat e performancës që i janë caktuar operatorëve nga ERRU.

6. ERRU në bazë të ligjit nr. 8102 (i ndryshuar) mund të kryejë inspektime për të verifikuar të dhënat e paraqitura nga operatori.
7. Dokumentet tip janë një model i dokumenteve të kërkuar më sipër, përgatiten nga ERRU dhe janë të aksesueshëm në faqen zyrtare të internetit të ERRU.